



Broj: 02-05-2- 1025  
Goražde, 02.04.2018.godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), člana 85. Statuta Općine Goražde („Službene novine Bosansko-podrinjskog kantona Goražde“, broj: 13/07), na preporuku nadležne komisije, u postupku javne nabavke usluga vanlinijskog cestovnog putničkog prevoza za potrebe Grada Goražda, Gradonačelnik Grada Goražda, donosi :

### ODLUKU o izboru najpovoljnijeg ponuđača

#### Član 1.

Prihvata se preporuka nadležne komisije i Okvirni sporazum za pružanje usluga vanlinijskog cestovnog putničkog prevoza za potrebe Grada Goražda se dodjeljuje najpovoljnijem ponuđaču ATTP Centroprevoz d.o.o. Goražde, ponuda broj: 454-03/18 od 26.03.2018. godine, za ponuđenu cijenu u iznosu od 34.350,00 KM bez PDV-a.

#### Član 2.

Prijedlog Okvirnog sporazuma o pružanju usluga vanlinijskog cestovnog putničkog prevoza za potrebe Grada Goražda, će se dostaviti na potpis izabranom ponuđaču po proteku roka od najduže 15 dana, od kada su svi ponuđači obaviješteni o izboru najpovoljnije ponude.

#### Član 3.

Ova odluka objavit će se na web-stranici Grada Goražda, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 4.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluga vanlinijskog cestovnog putničkog prevoza za potrebe Grada Goražda, broj: 02-05-2-1025 od 13.03.2018.godine.

Procijenjena vrijednost javne nabavke bez PDV-a iznosi 35.000,00 KM.

Shodno procijenjenoj vrijednosti predmetne nabavke, proveden je postupak konkurentski zahtjev za dostavu ponuda.

Obavještenje o nabavci broj: 413-7-2-12-3-11/18 je poslato na objavu 14.03.2018.godine i isti dan objavljeno na Portalu javnih nabavki. Zahtjev za dostavu ponuda je upućen na 3 (tri) adrese. Komisija za javnu nabavku je imenovana Rješenjem Gradonačelnika Grada Goražda broj: 02-05-2-663 od 14.02.2018.godine.

Komisija je dostavila Zapisnik o pregledu i ocjeni ponuda broj: 02-05-2-1025 od 29.03.2018.godine, uz preporuku o izboru najpovoljnijeg ponuđača, koji ujedno predstavljaju i Izvještaj o radu nadležne komisije.

U postupku po izvještaju o radu je utvrđeno da je nadležna komisija provela postupak prema zakonom propisanoj proceduri, izvršila javno otvaranje ponuda, pregledala i ocjenila ponude, provela e-aukciju, o čemu je sačinila zapisnike i izvještaje, u kojima je utvrđeno sljedeće:

- da je ukupan broj pristiglih ponuda: 2;
- da su blagovremeno zaprimljene: 2 ponude;
- da nije bilo neblagovremeno zaprimljenih ponuda;
- da su ponude ponuđača ATTP Centroprevoz d.o.o. Goražde i Živojević-Bus doo Goražde, prihvatljive;

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriteriju iz tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke nadležne komisije.

Naime, u postupku je ocijenjeno da je komisija u svemu pravilno postupila, i da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača. Uvidom u priloženu dokumentaciju, je nesporno da je ponuđač ATTP Centroprevoz d.o.o. Goražde izabran kao najpovoljniji, primjenjujući kriterij najniže cijene, koja je nakon E-aukcije, ponuđena u iznosu od 34.350,00 KM bez PDV-a.


Iz navedenih razloga, primjenom člana 64. stava (1) tačka b) Zakona o javnim nabavkama odlučeno je kao u dispozitivu.

#### **POUKA O PRAVNOM LIJEKU**

Protiv ove odluke može se izjaviti žalba Uredu za razmatranje žalbi. Žalba se izjavljuje putem ugovornog organa, najkasnije u roku od 5 (pet) dana od dana prijema ove odluke.

#### **DOSTAVITI**

1. ATTP Centroprevoz d.o.o. Goražde,
2. Živojević-Bus doo Goražde,
3. Pravobraniteljica Grada Goražda,
4. Web stranica Grada Goražda
5. U dosije,
6. a/a



**GRADONAČELNIK**

dr.sci. Muhamed Ramović